



Imlitir 0015/2015

**Chuig: Údaráis Bhainistíochta Bhunscoileanna, Mheánscoileanna, Phobalscoileanna agus
Scoileanna Cuimsitheacha Aitheanta
agus chuig
Príomhfheidhmeannaigh na mBord Oideachais agus Oiliúna**

**Meicníocht Íocaíochta Leasaithe maidir le Múinteoirí Ócáideacha agus Neamh-Ócáideacha le
héifeacht ó thús na Scoilbhliana 2015/2016 –
Deireadh leis an gCleachtas “Pá Saoire Cuachta”**

Cuspóir na hImlitreach

1. Is é cuspóir na hImlitreach seo múinteoirí, údaráis bhainistíochta scoile agus Boird Oideachais agus Oiliúna a chur ar an eolas faoi na hathruithe ar shocruithe pá i leith múinteoirí ócáideacha agus neamh-ócáideacha le héifeacht ó thús na scoilbhliana 2015/2016, i ndiaidh sin a bheith comhaontaithe ag an gComhairle Eadrána do Mhúinteoirí.
2. Roimhe seo, bhí gné a bhain le saoire bhliantúil san áireamh sna rátaí íocaíochta in aghaidh an lae/na huairé a íocadh le múinteoirí ócáideacha agus neamh-ócáideacha i leith na laethanta/na nuaireanta a bhí oibrithe acu. Tugtar “pá saoire cuachta” ar an gcleachtas seo agus eascraíonn sé ó chomhaontú comhchoiteann maidir le ráta pá iomchuí do mhúinteoirí páirtaimseartha ar thángthas air ag an gComhairle Eadrána do Mhúinteoirí in 2003. Mar thoradh ar an Imlitir seo, cuirfear deireadh leis an gcleachtas a bhí ann “pá saoire cuachta” a íoc le múinteoirí ócáideacha agus neamh-ócáideacha agus tabharfar isteach íocaíocht ar leith maidir le pá saoire. Tá an t-athrú seo á dhéanamh chun go mbeidh modh íocaíochta na múinteoirí sin ag teacht le Treoir an Aontais Eorpaigh um Am Oibre, tar éis don Choimisiún Eorpach cinneadh a dhéanamh chuige sin.
3. Tá sé tábhachtach a thabhairt chun suntais nach bhfuil luach saothair foriomlán na múinteoirí sin á athrú mar thoradh ar an Imlitir seo. Beidh pá múinteora faoi na socruithe nua atá leagtha amach san Imlitir seo maidir le haon tréimhse fostaíochta ar aon dul leis an bpá a bheadh le fáil ag an múinteoir sin don tréimhse fostaíochta chomhfhreagrach faoi na socruithe a bhí i bhfeidhm roimhe seo.
4. Le héifeacht ó thús na scoilbhliana 2015/16, cuirfear téarmaí na hImlitreach seo i bhfeidhm in ionad gach ráta íocaíochta ócáideach agus neamh-ócáideach in aghaidh an lae/in aghaidh na huairé atá iniúchta le múinteoirí agus in ionad gach ráta in aghaidh na huairé i leith dualgas breise maoirseachta/ionadaíochta faoi mar atá leagtha amach in imlitreacha roimhe seo.

Achoimre ar na hAthruithe ar Rátaí Ócáideacha agus Neamh-Ócáideacha atá Iniúchta le Múinteoirí

5. Déantar achoimre ar na hathruithe mar seo a leanas:
 - (i) Ag leibhéal na bunscolaíochta, le héifeacht ó thús na scoilbhliana 2015/16, bainfear 11% de na rátaí reatha ócáideacha agus neamh-ócáideacha in aghaidh an lae agus in aghaidh na huairé. Is ionann é sin agus teidlíocht reachtúil an mhúinteora i leith saoire bhliantúil de

cheithre seachtaine sa bhliain. Déanfaidh an múinteoir saoire bhliantúil reachtúil a charnadh ar luach 11% den am a oibríodh.

- (ii) Ag leibhéal na hiar-bhunscolaíochta, le héifeacht ó thús na scoilbhliana 2015/16, bainfear 12% de na rátaí reatha ócáideacha agus neamh-ócáideacha in aghaidh na huaire. Is ionann é sin agus teidlíocht reachtúil an mhúinteora i leith saoire bhliantúil de cheithre seachtaine sa bhliain. Déanfaidh an múinteoir saoire bhliantúil reachtúil a charnadh ar luach 12% den am a oibríodh.
- (iii) Forálann an tAcht um Eagrú Ama Oibre go gcinneadh a fhostóir nó a fostóir na hamanna a dtabharfar saoire bhliantúil don fhostaí. Dá bhrí sin, tógfaidh múinteoirí a dteidlíocht charnach i gcomhair saoire bhliantúil le linn na dtréimhsí ina mbeidh an scoil dúnta faoi Nollaig, faoi Cháisc agus sa samhradh mar seo a leanas:
 - Le linn na tréimhse ina mbíonn an scoil dúnta faoi Nollaig, tógfaidh múinteoirí an tsaoire bhliantúil reachtúil atá carntha acu ó thús na scoilbhliana agus íocfar iad don tsaoire sin;
 - Le linn na tréimhse ina mbíonn an scoil dúnta faoi Cháisc, tógfaidh múinteoirí an tsaoire bhliantúil reachtúil atá carntha acu ó dheireadh na tréimhse ina raibh an scoil dúnta faoi Nollaig agus íocfar iad don tsaoire sin;
 - Le linn na tréimhse ina mbíonn an scoil dúnta sa samhradh, tógfaidh múinteoirí an tsaoire bhliantúil reachtúil atá carntha acu ó dheireadh na tréimhse ina raibh an scoil dúnta faoi Cháisc agus íocfar iad don tsaoire sin.
- (iv) Áirítear sa bhunráta in aghaidh an lae/na huaire íocaíocht i leith am oibre an mhúinteora ina iomláine seachas saoire bhliantúil reachtúil an mhúinteora, i.e. am i mbun ranga, dualgais lasmuigh den teagasc agus tréimhsí ina bhfuil an scoil dúnta.
- (v) Cuirfear na socruithe leasaithe seo i bhfeidhm le héifeacht ó thús na scoilbhliana 2015/16.

6. Tá an leibhéal comhaontaithe de shaoire bhliantúil reachtúil a charntar, bunaithe ar na laethanta a d'oibrigh múinteoir bunscoile in aghaidh an téarma, leagtha amach ag Aguisín 1. Tá an leibhéal comhaontaithe de shaoire bhliantúil reachtúil a charntar, bunaithe ar na huaireanta a d'oibrigh múinteoir iar-bhunscoile in aghaidh an téarma, leagtha amach ag Aguisín 2.

Feidhmiú na Socruithe Nua i ndáil le Múinteoirí a íoctar ag an Ráta Neamh-Ócáideach

- 7. Is ionann an ráta pá neamh-ócáideach do mhúinteoir bunscoile agus an tuarastal pearsanta bliantúil iomchuí (i.e. an pointe ábhartha ar Bhunscála Comónta na Múinteoirí móide liúntais cháilíochtaí agus liúntais eile nuair is infheidhme) arna roinnt ar 183 in aghaidh an lae do gach lá a oibríodh.
- 8. Is ionann an ráta pá neamh-ócáideach do mhúinteoir iar-bhunscoile agus an tuarastal pearsanta bliantúil iomchuí (i.e. an pointe ábhartha ar Bhunscála Comónta na Múinteoirí móide liúntais cháilíochtaí agus liúntais eile nuair is infheidhme) arna roinnt ar 735 in aghaidh na huaire do gach uair a oibríodh.
- 9. Tá an ráta neamh-ócáideach iníoctha le múinteoirí sna cúinsí seo a leanas:
 - (a) Nuair a fhostaítear múinteoir ar conradh ina n-éilítear go n-oibríonn sé nó sí i scoil ar feadh tréimhse níos mó ná 40 lá i mbunscoil nó 150 uair in iar-bhunscoil le linn na scoilbhliana ach ar feadh tréimhse atá níos lú ná scoilbhliain iomlán (e.g. ag déanamh ionadaíochta do mhúinteoir atá ar shaoire mháithreachais), tá an ráta pá neamh-ócáideach iníoctha maidir le gach lá/uair a oibrítear;
 - (b) Nuair a oibríonn múinteoir pro rata, atá fostaithe don scoilbhliain iomlán chun teagasc a sholáthar ar feadh líon sonrach uaireanta gach seachtain, laethanta/uaireanta breise os cionn an leibhéil a leagadh amach ina chonradh/ina conradh, tá an ráta neamh-ócáideach iníoctha maidir le gach lá/uair bhreise den sórt sin a oibrítear.

- (c) Nuair a théann múinteoir, a fostaíodh mar ionadaí ócáideach i dtús báire, thar 40 lá fostaíochta ag leibhéal na bunscolaíochta nó 150 uair fostaíochta ag leibhéal na hiar-bhunscolaíochta le linn na scoilbhliana, tá an ráta neamh-ócáideach iníoctha maidir le gach lá a oibríodh sa bhreis ar an 40 lá ag leibhéal na bunscolaíochta nó maidir le gach uair a oibríodh sa bhreis ar 150 uair ag leibhéal na hiar-bhunscolaíochta.
10. Le héifeacht ó thús na scoilbhliana 2015/16, bainfear 11% den ráta laethúil neamh-ócáideach atá iníoctha le múinteoir bunscoile. Déanfaidh an múinteoir saoire bhliantúil reachtúil a charnadh ar luach 11% den am a oibríodh (de réir Aguisín 1) agus tógfaidh sé nó sí a leithéid de shaoire agus íocfar é nó í ina leith faoi mar atá leagtha amach ag Alt 5 (iii) thuas.
11. Le héifeacht ó thús na scoilbhliana 2015/16, bainfear 12% den ráta neamh-ócáideach in aghaidh na huaire atá iníoctha le múinteoir iar-bhunscoile. Déanfaidh an múinteoir saoire bhliantúil reachtúil a charnadh ar luach 12% den am a oibríodh (de réir Aguisín 2) agus tógfaidh sé nó sí a leithéid de shaoire agus íocfar é nó í ina leith faoi mar atá leagtha amach ag Alt 5 (iii) thuas.

Feidhmiú na Socruithe Nua i ndáil le Múinteoirí a íoctar ag an Ráta Ócáideach

12. Tá na rátaí íocaíochta ócáideacha leasaithe in aghaidh an lae/na huaire agus luach na saoire bliantúla reachtúla a charntar in aghaidh an lae/na huaire a oibríodh a bheidh á bhfeidhmiú le héifeacht ó thús na scoilbhliana 2015/16 i gcás múinteoirí bunscoile leagtha amach ag Aguisín 3. Déanfaidh an múinteoir saoire bhliantúil reachtúil a charnadh de réir Aguisín 1 agus tógfaidh sé nó sí a leithéid de shaoire agus íocfar é nó í i leith a leithéid de shaoire faoi mar atá leagtha amach ag Alt 5 (iii) thuas.
13. Tá na rátaí íocaíochta ócáideacha leasaithe in aghaidh na huaire agus luach na saoire bliantúla reachtúla in aghaidh na huaire a oibríodh a bheidh á bhfeidhmiú le héifeacht ó thús na scoilbhliana 2015/16 i gcás múinteoirí iar-bhunscoile leagtha amach ag Aguisín 4. Déanfaidh an múinteoir saoire bhliantúil reachtúil a charnadh de réir Aguisín 2 agus tógfaidh sé nó sí a leithéid de shaoire agus íocfar é nó í i leith a leithéid de shaoire faoi mar atá leagtha amach in Alt 5 (iii) thuas.

Feidhmiú na Socruithe Nua i ndáil le Múinteoirí Iar-Bhunscoile Páirtaimseartha ag Déanamh Dualgais Mhaoirseachta agus Ionadaíochta Bhreise

14. Faoi théarmaí Imlitir 0006/2014, nuair a dhéanann múinteoir iar-bhunscoile rogha an diúltaithe maidir le dualgais mhaoirseachta agus ionadaíochta, déanfar suim arb ionann í agus an liúntas Maoirseachta agus Ionadaíochta a leithdháileadh ar scoil/ar Bhoird Oideachais agus Oiliúna an mhúinteora go sonrach chun dualgais Mhaoirseachta agus Ionadaíochta a sholáthar de réir na socruithe a bhí i bhfeidhm roimh 1 Iúil 2013. Le héifeacht ó thús na scoilbhliana 2015/16, sa chás go n-úsáideann scoil an t-allúntas seo chun múinteoir páirtaimseartha a fhostú i gcomhair dualgais Mhaoirseachta agus Ionadaíochta sa bhreis ar a ndlíteanas éigeantach i leith maoirseachta agus ionadaíochta faoi Chomhaontú Bhóthar Haddington, tá an ráta in aghaidh na huaire agus luach na saoire bliantúla reachtúla a charntar in aghaidh na huaire a oibrítear leagtha amach ag Aguisín 5. Meabhraítear do scoileanna/do Bhoird Oideachais agus Oiliúna nach féidir múinteoirí lánaimseartha ná múinteoirí a rinne rogha an diúltaithe maidir le dualgais Mhaoirseachta agus Ionadaíochta a íoc i leith dualgais Mhaoirseachta agus Ionadaíochta.

Scaipeadh agus Fiosruithe

15. Déan deimhin de, le do thoil, go ndéantar cóipeanna den imlitir seo a sholáthar do bhaill uile an Bhoird Bhainistíochta/an Bhoird Oideachais agus Oiliúna agus go ndírítear aird na múinteoirí ábhartha uile atá fostaithe agat, lena n-áirítear iad siúd atá ar shaoire neamhláithreachta, ar a bhfuil inti.
16. Is féidir teacht ar an Imlitir seo ar shuíomh gréasáin na Roinne faoi <http://www.education.ie>
17. Tá samplaí den chaoi a bhfeidhmeoidh na socruithe nua go praiticiúil ag Aguisín 6.

18. Ba chóir fiosruithe maidir leis an Imlitir seo a sheoladh chuig:

- Múinteoirí Bunscoile: primtch_payroll@education.gov.ie
- Múinteoirí Iar-bhunscoile a íocann an Roinn: ppppayroll@education.gov.ie

Ba chóir do mhúinteoirí atá fostaithe ag Boird Oideachais agus Oiliúna a gcuid fiosruithe a sheoladh i dtús báire chuig an mBord Oideachais agus Oiliúna atá mar fhostóir acu.

Padraig Maloney
An Rannóg Párolla
20 Feabhra 2015

Aguisín 1

LEIBHÉAL NA SAOIRE BLIANTÚLA REACTÚLA A CHARNANN MÚINTEOIR BUNSCOILE IN AGHAIDH AN TÉARMA

An líon laethanta a oibríodh le linn an Téarma	An Líon Laethanta Saoire Bliantúla Reachtúla a Carnadh
0 go 9	11% den am a oibríodh
10 go 18	1
19 go 27	2
28 go 36	3
37 go 45	4
46 go 54	5
55 go 64	6
65 go 73	7
74 go 82	8
83 go 91	9
92 go 100	10
101 go 109	11
110 go 118	12

Aguisín 2

LEIBHÉAL NA SAOIRE BLIANTÚLA REACTÚLA A CHARNANN MÚINTEOIR IAR-BHUNSCOILE IN AGHAIDH AN TÉARMA

An líon uaireanta a oibríodh le linn an Téarma	An Líon Laethanta Saoire Bliantúla Reachtúla a Charntar
0 go 36	12% den am a oibríodh
37 go 73	1
74 go 110	2
111 go 146	3
147 go 183	4
184 go 220	5
221 go 257	6
258 go 293	7
294 go 330	8
331 go 367	9
368 go 404	10
405 go 441	11
442 go 477	12

Aguisín 3

NA RÁTAÍ LEASAITHE ÓCÁIDEACHA IN AGHAIDH AN LAE/NA hUAIRE A BHEIDH I bhFEIDHM LE hÉIFEACTH Ó THÚS NA SCOILBHLIANA 2015/16 DO MHÚINTEOIRÍ BUNSCOILE

(i) Rátaí d'Iontrálaithe ar Mhúinteoireacht Bhunscoile Roimh 1 Eanáir 2011 le héifeacht ó thús na scoilbhliana 2015/2016:

Catagóir (Bunscolaíocht)	Rátaí Reatha	Ráta Leanúnach Nua ó 2015/16	Luach na Saoire Bliantúla Reachtúla a Charntar in aghaidh an Lae/na hUaire a Oibrítear ó 2015/16
Laethúil ócáideach, cáilithe	195.33	173.84	21.49
Laethúil neamhcháilithe	127.91	113.84	14.07
In aghaidh na huaire, cáilithe	36.96	32.89	4.07
In aghaidh na huaire, neamhcháilithe ar an bPárolla	28.97	25.78	3.19
In aghaidh na huaire, Ionadaí neamhcháilithe	25.58	22.77	2.81

(ii) Rátaí do Mhúinteoirí Bunscoile a thosaigh sa mhúinteoireacht idir 1 Eanáir 2011 agus 31 Eanáir 2012 le héifeacht ó thús na scoilbhliana 2015/16:

Catagóir (Bunscolaíocht)	Rátaí Reatha	Ráta Leanúnach Nua ó 2015/16	Luach na Saoire Bliantúla Reachtúla a Charntar in aghaidh an Lae/na hUaire a Oibrítear ó 2015/16
Laethúil ócáideach, cáilithe	172.50	153.53	18.98
Laethúil neamhcháilithe	127.91	113.84	14.07
In aghaidh na huaire, cáilithe	34.50	30.71	3.80
In aghaidh na huaire, neamhcháilithe ar an bPárolla	29.90	26.61	3.29
In aghaidh na huaire, Ionadaí neamhcháilithe	25.58	22.77	2.81

(iii) Rátaí do Mhúinteoirí Bunscoile a thosaigh sa mhúinteoireacht ar 1 Feabhra 2012 nó i ndiaidh an dáta sin le héifeacht ó thús na scoilbhliana 2015/16:

Catagóir (Bunscolaíocht)	Ráta Reatha	Ráta Leanúnach Nua ó 2015/16	Luach na Saoire Bliantúla Reachtúla a Charntar in aghaidh an Lae/na hUaire a Oibrítear ó 2015/16
Laethúil ócáideach, cáilithe	171.03	152.22	18.81
Laethúil neamhcháilithe	115.12	102.46	12.66
In aghaidh na huaire, cáilithe	34.21	30.45	3.76
In aghaidh na huaire, neamhcháilithe ar an bPárolla	26.91	23.95	2.96
In aghaidh na huaire, Ionadaí neamhcháilithe	23.02	20.49	2.53

Aguisín 4

NA RÁTAÍ LEASAITHE ÓCÁIDEACHA IN AGHAIDH NA hUAIRE A BHEIDH I bhFEIDHM LE hÉIFEACTH Ó THÚS NA SCOILBHLIANA 2015/16 DO MHÚINTEOIRÍ IAR-BHUNSCOILE

(i) Rátaí d'Iontrálaithe ar Mhúinteoireacht Iar-Bhunscoile Roimh 1 Eanáir 2011 le héifeacht ó thús na scoilbhliana 2015/2016:

Catagóir (Iar-Bhunscolaíocht)	Ráta Reatha	Ráta Leanúnach Nua ó 2015/16	Luach na Saoire Bliantúla Reachtúla a Charntar in aghaidh na hUaire a Oibrítear ó 2015/16
In aghaidh na huaire, ócáideach cáilithe	46.85	41.23	5.62
In aghaidh na huaire, neamhcháilithe	40.85	35.95	4.90

(ii) Rátaí do Mhúinteoirí Iar-Bhunscoile a thosaigh sa mhúinteoireacht idir 1 Eanáir 2011 agus 31 Eanáir 2012 le héifeacht ó thús na scoilbhliana 2015/16:

Catagóir (Iar-Bhunscolaíocht)	Ráta Reatha	Ráta Leanúnach Nua ó 2015/16	Luach na Saoire Bliantúla Reachtúla a Charntar in aghaidh na hUaire a Oibrítear ó 2015/16
In aghaidh na huaire, ócáideach cáilithe	41.65	36.65	5.00
In aghaidh na huaire, neamhcháilithe	36.76	32.35	4.41

(ii) Rátaí do Mhúinteoirí Iar-Bhunscoile a thosaigh sa mhúinteoireacht ar 1 Feabhra 2012 nó i ndiaidh an dáta sin le héifeacht ó thús na scoilbhliana 2015/16:

Catagóir (Iar-Bhunscolaíocht)	Ráta Reatha	Ráta Leanúnach Nua ó 2015/16	Luach na Saoire Bliantúla Reachtúla a Charntar in aghaidh na hUaire a Oibrítear ó 2015/16
In aghaidh na huaire ócáideach cáilithe	40.17	35.35	4.82
In aghaidh na huaire, neamhcháilithe	36.76	32.35	4.41

Aguisín 5

NA RÁTAÍ LEASAITHE ÓCÁIDEACHA IN AGHAIDH NA HUAIRE DO MHÚINTEOIRÍ IAR-BHUNSCOILE PÁIRTAIMSEARHA ATÁ AG DÉANAMH MAOIRSEACHTA & IONADAÍOCHTA SA BHREIS AR A NDLITEANAS ÉIGEANTACH I LEITH MAOIRSEACHTA AGUS IONADAÍOCHTA LE HÉIFEACTH Ó THÚS NA SCOILBHLIANA 2015/16:

Stádas an Mhúinteora Pháirtaimseartha	Ráta Reatha	Ráta Leanúnach Nua ó 2015/16	Luach na Saoire Bliantúla Reachtúla a Charntar in aghaidh na hUaire a Oibrítear ó 2015/16
Iontrálaí ar Mhúinteoireacht roimh 1 Eanáir 2011	47.82	42.08	5.74
Chuaigh le múinteoireacht idir 1 Eanáir 2011 agus 31 Eanáir 2012	43.04	37.88	5.16
Chuaigh le múinteoireacht ar 1 Feabhra 2012 nó i ndiaidh an dáta sin	32.49	28.59	3.90

Aguisín 6

Sampla 1

Is múinteoir bunscoile cáilithe í Máire atá fostaithe ag bunscoil ar an 31 Lúnasa 2015 mar ionadaí neamh-ócáideach chun ionadaíocht a dhéanamh do mhúinteoir eile atá as láthair ar shaoire mháithreachais. Tá sí fostaithe ar bhonn lánaimseartha. Níl aon seirbhís roimhe seo ag Máire i bpost Mhúinteoireachta a bhí maoinithe ag an Oireachtas. Dá bhrí sin, is iontrálaí í a tháinig isteach i ndiaidh 1 Feabhra 2012. Tiocfaidh deireadh le fostaíocht Mháire ar an 26 Aibreán 2016 mar go mbeidh an múinteoir atá as láthair ag teacht ar ais ó shaoire mháithreachais.

Socruithe Pá roimhe seo:

Tá Máire fostaithe ar feadh 140 lá teagaisc san iomlán sa scoilbhliain 2015/16. Faoi na socruithe pá a bhí ann roimhe seo, d'íocfaí a ráta pearsanta €167.77 sa lá le Máire (i.e. €30,702/ 183). Dá bhrí sin, is €23,488 (i.e. €167.77 x 140 lá) an pá iomlán a bheadh aici i leith a cuid fostaíochta leis an scoil in 2015/16.

Socruithe Nua Pá:

Faoi na socruithe nua, bainfear 11% ón ráta laethúil agus carnann Máire saoire bhliantúil reachtúil ar luach 11% de na laethanta a oibríodh. Dá bhrí sin, is €149.32 a ráta laethúil agus carnann sí €18.45 de shaoire bhliantúil reachtúil in aghaidh gach lae a oibríonn sí.

TÉARMA 1 – TÚS NA SCOILBHLIANA GO DTÍ SAOIRE NA NOLLAG:

Sa tréimhse seo, idir tús a cuid fostaíochta ar an 31 Lúnasa 2015 agus saoire na Nollag, tá Máire fostaithe ar feadh 77 lá teagaisc. Is €11,498 (i.e. €149.32 x 77 lá) a pá don tréimhse seo. Ina theannta sin, carnann sí saoire bhliantúil reachtúil ar luach €1,421 (i.e. €18.45 x 77 lá). Carnann Máire 8 lá saoire bhliantúil reachtúil le linn na tréimhse agus tógann sí iad sin le linn shaoire na Nollag agus íoctar í ina leith.

TÉARMA 2 – DEIREADH SHAOIRE NA NOLLAG GO DTÍ SAOIRE NA CÁSCA:

Sa tréimhse seo, tá Máire fostaithe ar feadh 46 lá teagaisc. Is €6,869 (i.e. €149.32 x 46 lá) a pá don tréimhse seo. Ina theannta sin, carnann sí saoire bhliantúil reachtúil ar luach €849 (i.e. €18.45 x 46 lá). Carnann Máire 5 lá saoire bhliantúil reachtúil le linn na tréimhse agus tógann sí iad sin le linn shaoire na Cásca agus íoctar í ina leith.

TÉARMA 3 – DEIREADH SHAOIRE NA CÁSCA GO DTÍ SAOIRE AN tSAMHRAIDH:

Sa tréimhse ó shaoire na Cásca go dtí go dtagann críoch lena cuid fostaíochta, tá Máire fostaithe ar feadh 17 lá teagaisc. Is é €2,538 (i.e. €149.32 x 17 lá) a pá don tréimhse seo. Ina theannta sin, carnann sí saoire bhliantúil reachtúil ar luach €314 (i.e. €18.45 x 17 lá). De bhrí go dtagann deireadh le fostaíocht Mháire roimh an gcéad tréimhse dúnta eile, íoctar €314 léi in ionad na saoire bliantúla reachtúla nár thóg sí ag an gcéad tréimhse dúnta eile ag saoire an tsamhraidh.

Tá Máire fostaithe ar feadh 140 lá teagaisc san iomlán sa scoilbhliain 2015/16. Is €23,488 a pá iomlán i leith a cuid fostaíochta leis an scoil in 2015/16.

Léiríonn an tábla seo a leanas pá Mháire thar na téarmaí agus na tréimhsí saoire éagsúla:

Tréimhse	Laethanta Teagaisc a Oibríodh sa tréimhse	Pá faoi na Socruithe Roimhe seo:	Pá faoi na Socruithe Nua le héifeacht ó 2015/2016	Laethanta Saoire Bliantúla Reachtúla a carnadh sa Tréimhse
TÉARMA 1: 31 Lúnasa go dtí Saoire na Nollag	77	12,918	11,498	8
Saoire na Nollag		0	1,421	
TÉARMA 2: Saoire na Nollag go dtí Saoire na Cásca	46	7,718	6,869	5
Saoire na Cásca		0	849	
TÉARMA 3: Saoire na Cásca go dtí deireadh a cuid fostaíochta	17	2,852	2,538	1
Saoire Bhliantúil Reachtúil a carnadh ag deireadh na fostaíochta – íochta ag saoire an tsamhraidh		0	314	
Pá iomlán don Scoilbhliain		23,488	23,488	

Sampla 2

Is múinteoir cáilithe iar-bhunscoile é Pól agus d'fhostaigh scoil atá á reáchtáil ag Bord Oideachais agus Oiliúna é ar an 14 Deireadh Fómhair 2015 chun ionadaíocht a dhéanamh do mhúinteoir eile atá ar shaoire bhreiteachta. Tá sé fostaithe ar feadh 14 huair in aghaidh na seachtaine. Cuirtear deireadh le fostaíocht Phóil ar an 6 Feabhra 2016 mar go dtagann an múinteoir atá as láthair ar ais ó shaoire bhreiteachta.

Socruithe Pá roimhe seo:

San iomlán, tá Pól fostaithe ar feadh 190 uair le linn na scoilbhliana. Bíonn sé fostaithe mar ionadaí ócáideach nó go dtí go mbíonn níos mó na 150 uair oibre déanta aige le linn na scoilbhliana. Mar ionadaí ócáideach, íoctar €46.85 in aghaidh na huair leis.

Chomh luath agus a bhíonn Pól fostaithe ar feadh níos mó ná 150 uair, glactar leis gur ionadaí neamh-ócáideach é agus cuirtear ar a ráta pearsanta pá é don 40 uair atá fanta. Is €42,847 an tuarastal pearsanta bliantúil atá aige (a chuimsíonn Pointe 7 ar an scála iontrála roimh 2011 agus liúntas i leith céim onóracha). Tugann sé seo €58.30 (i.e. €42,847/735) mar ráta pearsanta in aghaidh na huair.

Íoctar €7,028 (i.e. €46.85 x 150 uair) san iomlán le Pól ag an ráta ócáideach ar son a chuid fostaíochta sa bhliain 2015/16 agus €2,332 ag an ráta pearsanta (i.e. €58.30 x 40 uair). Dá bhrí sin, bíonn €9,360 mar thuarastal iomlán ag Pól don bhliain.

Socruithe Nua Pá:

Faoi na socruithe nua, bainfear 12% ón ráta in aghaidh na huair agus carnann Pól saoire bhliantúil reachtúil ar luach 12% de na huaireanta a oibríodh.

Dá bhrí sin, €41.23 in aghaidh na huair is ea bunráta Phóil don tréimhse ina mbíonn sé fostaithe mar ionadaí ócáideach agus carnann sé €5.62 de shaoire bhliantúil reachtúil in aghaidh gach uaire a oibríonn sé.

Chomh luath agus a bhíonn Pól fostaithe ar feadh níos mó ná 150 uair, glactar leis gur ionadaí neamh-ócáideach é agus cuirtear ar a ráta pearsanta pá é don 40 uair atá fanta. Is €51.30 (i.e. €42,847/735 – 12%) a ráta pearsanta in aghaidh na huair agus carnann sé saoire bhliantúil reachtúil de €7 in aghaidh na huair a oibríonn sé ag an ráta pearsanta.

TÉARMA 1 – TÚS NA SCOILBHLIANA GO DTÍ SAOIRE NA NOLLAG:

Sa tréimhse ó thús a chuid fostaíochta ar an 15 Deireadh Fómhair go dtí Saoire na Nollag, tá Pól fostaithe ar feadh 126 uair theagaisc. Is €5,195 (i.e. €41.23 x 126 uair) a phá don tréimhse seo ag an ráta ócáideach. Ina theannta sin, carnann sé saoire bhliantúil reachtúil ar luach €708 (i.e. €5.62 x 126 uair). Carnann Pól 3 lá saoire bhliantúil reachtúil le linn na tréimhse agus tógann sé iad sin le linn shaoire na Nollag agus íoctar é ina leith.

TÉARMA 2 – DEIREADH SHAOIRE NA NOLLAG GO DTÍ SAOIRE NA CÁSÇA:

Sa tréimhse ó shaoire na Nollag go dtí go dtagann deireadh lena chuid fostaíochta ar an 6 Feabhra, tá Pól fostaithe ar feadh 64 uair theagaisc san iomlán. Íoctar an chéad 24 uair theagaisc ag an ráta ócáideach. Is €990 (i.e. €41.23 x 24 uair) a phá don tréimhse seo ag an ráta ócáideach. Ina theannta sin, carnann sé saoire bhliantúil reachtúil ar luach €135 (i.e. €5.62 x 24 uair).

Ansin bíonn níos mó ná 150 uair fostaíochta ag Pól le linn na scoilbhliana agus dá bhrí sin cuirtear ar a ráta pá pearsanta é don 40 uair fostaíochta atá fanta. Is €2,052 (i.e. €51.30 x 40 uair) a phá don tréimhse seo ag an ráta neamh-ócáideach. Ina theannta sin, carnann sé saoire bhliantúil reachtúil ar luach €280 (i.e. €7 x 40 uair).

Dá bhrí sin, bíonn €3,042 mar thuarastal iomlán aige don tréimhse ó shaoire na Nollag go dtí críoch a chuid fostaíochta ar an 6 Feabhra. Ina theannta sin, carnann sé saoire bhliantúil reachtúil ar luach €415 san iomlán.

De bhrí go dtagann deireadh le fostaíocht Phóil roimh an gcéad tréimhse dúnta eile, íoctar €415 leis in ionad na saoire bliantúla reachtúla nár thóg sé ag an gcéad tréimhse dúnta eile ag saoire na Cásca.

Tá Pól fostaithe ar feadh 190 uair theagaisc san iomlán sa scoilbhliain 2015/16. Tá €9,360 mar phá iomlán aige i leith a chuid fostaíochta leis an mBord Oideachais agus Oiliúna in 2015/16.

Léiríonn an tábla seo a leanas pá Phóil thar na téarmaí agus na tréimhsí saoire éagsúla:

Tréimhse	Uaireanta Teagaisc sa Tréimhse	Pá faoi na Socruithe Roimhe seo	Pá faoi na Socruithe Nua le héifeacht ó 2015/2016	Laethanta Saoire Bliantúla Reachtúla a carnadh sa Tréimhse
TÉARMA 1:				
Tús na fostaíochta go dtí saoire na Nollag	126	5,903	5,195	3
Saoire na Nollag		0	708	
TÉARMA 2:				
Ó shaoire na Nollag go dtí críoch na fostaíochta	74	3,456	3,042	1
Saoire bhliantúil reachtúil a carnadh ag deireadh na fostaíochta – íoctha ag saoire na Cásca		0	415	
Pá iomlán don Scoilbhliain		9,360	9,360	